


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-20	Thaha	135	8	Makkiyyah	Ke-45	7



Zaman Diturunkan Surah Dan Latarbelakangnya

1. Surah Thaha diturunkan selepas Surah Maryam sebelum berlakunya peristiwa hijrah ke Habsyah iaitu pada bulan Rejab tahun ke-5 Kenabian. Sebahagian daripadanya ada yang diturunkan sekitar bulan Zul Hijjah tahun ke-6 Kenabian, ketika itu Surah Thaha yang bertulis sudah pun ada pada saudara perempuan Sayyidina `Umar, kerana terkesan dengan surah itu, Sayyidina `Umar telah memeluk agama Islam pada bulan Zul Hijjah tahun ke-6 Kenabian. Antara maksud Surah Thaha diturunkan pada peringkat itu ialah untuk memahamkan orang-orang Quraisy tentang tujuan rasul-rasul diutuskan dan juga memberitahu mereka kerja-kerja para rasul. Melalui sejarah hidup Nabi Musa, para sahabat khususnya yang masih muda dibentuk dan dibina peribadinya. Surah ini juga memahamkan kepada orang-orang Quraisy yang bijaksana **أولي النهى** tentang kebenaran seruan tauhid, kebenaran al-Qur'an dan juga kebenaran hari akhirat (Ayat: 54 dan 128).
2. Ayat 114 besar sekali kemungkinannya diturunkan tidak lama selepas bermulanya kehidupan Rasulullah sebagai seorang nabi. Ketika itu Baginda membaca wahyu al-Qur'an yang diturunkan kepadanya dengan cepat-cepat, Baginda takut ia terlepas dan tidak sempat diingat dengan baik.
3. Dikatakan kepada pimpinan musyrikin Quraisy bahawa sikap mereka yang melampaui batas itu tiada bezanya dengan sikap Fir'aun dahulu. Nabi Musa juga sama seperti Nabi Muhammad s.a.w., kedua-dua mereka menyeru kepada aqidah tauhid, kepercayaan kepada hari akhirat dan menegakkan shalat. Seruan ini juga memang terdapat di dalam al-Qur'an. Berpaling daripadanya mengakibatkan kerugian dan kehinaan di dunia dan di akhirat, sama seperti yang diterima oleh Fir'aun dan bala tenteranya.

Perkaitan Surah Thaha Dengan Surah Sebelum Dan Selepasnya

1. Di dalam Surah Maryam, untuk meyakinkan orang-orang Kristian tentang kebenaran aqidah tauhid, sejarah kehidupan Nabi `Isa dijadikan sebagai dalil. Di dalam Surah Thaha ini pula, untuk meyakinkan orang-orang Yahudi tentangnya, dikemukakan sejarah hidup Nabi Musa sebagai dalil. Di dalam kedua-dua surah terdapat modal-modal untuk menyeru golongan Ahli Kitab yang sememangnya diperlukan sebelum para sahabat berhijrah ke Habsyah lagi.
2. Di dalam Surah al-Anbiya' akan datang, dikemukakan sejarah hidup 16 orang nabi. Peribadi, kerja dan peranan mereka juga dinyatakan di dalamnya. Rasulullah s.a.w. dikatakan sebagai pewaris ajaran Nabi Ibrahim dan kedatangan Baginda merupakan rahmat untuk sekalian alam. Semua manusia diseru supaya beriman kepada utusan Allah yang terakhir itu.

Beberapa Kata Kunci Dan Tema Utama Surah

1. Pengenalan tentang al-Qur'an diberikan di permulaan Surah Thaha dan juga di akhirnya.

(a) Qur'an bukan beban kepada manusia (Ayat: 2).

مَا أَنزَلْنَا عَلَيْكَ الْقُرْآنَ لِتَشْقَىٰ ﴿٢﴾

(b) Qur'an adalah peringatan dan nasihat untuk orang yang takut kepada tuhan (Ayat: 3).

إِلَّا تَذَكُّرًا لِّمَن يَخْشَىٰ ﴿٣﴾

(c) Tujuan al-Qur'an diturunkan dalam Bahasa Arab dan kaedah تصريف digunakan untuk mengemukakan janji-janji buruk dari pihak Allah bertujuan menyelamatkan manusia daripada kemurkaan Allah dan supaya mereka berupaya untuk berfikir (Ayat: 113).

وَكَذَٰلِكَ أَنزَلْنَاهُ قُرْآنًا عَرَبِيًّا وَصَرَّفْنَا فِيهِ مِنَ الْوَعِيدِ لَعَلَّهُمْ يَتَّقُونَ أَوْ يُحْدِثُ لَهُمْ ذِكْرًا ﴿١١٣﴾

(d) Balasan buruk kerana berpaling daripada al-Qur'an ialah kehinaan di hari akhirat, orang-orang yang berpaling daripada al-Qur'an akan memikul beban yang berat di hari kiamat nanti (Ayat: 100).

مَنْ أَعْرَضَ عَنْهُ فَإِنَّهُ يَحْمِلُ يَوْمَ الْقِيَمَةِ وِزْرًا ﴿١٠٠﴾

(e) Balasan buruk kerana berpaling daripada al-Qur'an juga nyata dalam bentuk kesempitan hidup di dunia dan di hari kiamat nanti orang yang berpaling daripada al-Qur'an akan dibangkitkan dalam keadaan buta. (Ayat: 124)

وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَمَةِ أَعْمَىٰ ﴿١٢٤﴾

2. Dua ayat di dalam surah ini adalah penting untuk membuktikan tauhid uluhiyyah.

(a) Antara tujuan seruan al-Qur'an ialah membuktikan kebenaran ajaran tauhid uluhiyyah dan menyebarkan tauhid Asmaa' Allah dan sifat-sifatNya yang indah (Ayat: 8).

اللَّهُ لَا إِلَهَ إِلَّا هُوَ لَهُ الْأَسْمَاءُ الْحُسْنَىٰ ﴿٨﴾

(b) Allahlah ilaah, Dia sahaja yang layak disembah (Ayat: 14).

إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي ﴿١٤﴾

3. Sembahyang diperintahkan supaya dijaga dengan baik untuk mengingati Allah (Ayat: 14).

وَأَقِمِ الصَّلَاةَ لِذِكْرِي ﴿١٤﴾

4. أولي النهى (orang-orang yang beraqal).

(a) أولو النهى ialah orang-orang yang menerima tauhid dengan lengkap iaitu tauhid rububiyah dan tauhid al-Asmaa' Wa as-Sifaat. (Ayat: 54).

كُلُوا وَارْزُقُوا أَنْعَمَ اللَّهُ إِنَّ فِي ذَلِكَ لَآيَاتٍ لِّأُولِي النُّهَى ﴿٥٤﴾

Nabi Musa berkata: “Pengetahuan tentang umat-umat yang lalu ada di dalam kitab tuhanku, tuhanku tidak tersalah dan tidak lupa, Dialah yang menjadikan bumi ini terhampar dan telah membuat jalan-jalan untuk dilalui kamu, Dialah yang menurunkan air dari langit, dengan air hujan itu tumbuh pelbagai hasil tanaman, hasil-hasil tanaman itu hendaklah kita manfaatkan dan menjadikan sebahagian daripadanya sebagai makanan-makanan binatang ternakan kita, sesungguhnya pada semua itu terdapat banyak sekali tanda-tanda kebesaran Allah kepada orang-orang yang beraqal (أُولِي النُّهَى). (Ayat: 52-54).

(b) أولو النهي atau orang-orang yang beraqal sentiasa mengambil pengajaran daripada sejarah kebinasaan umat yang lalu (Ayat: 128).

أَفَلَمْ يَهْدِ لَهُمْ كَمْ أَهْلَكْنَا قَبْلَهُمْ مِنَ الْقُرُونِ يَمْشُونَ فِي مَسْجِدِهِمْ إِنَّ فِي ذَلِكَ لَآيَاتٍ لِّأُولِي النُّهَى ﴿١٢٨﴾